



Broj: 0101-10938/24

Sarajevo, 28. oktobar 2024. godine

UNIVERZITET U SARAJEVU

Svim članicama

N/r: direktori/prodekani za NIR

Predmet: Inicijativa nagrađivanja doktoranata Univerziteta u Sarajevu

Poštovani,

Ovim putem vas želimo informirati o inicijativi Savjeta za nauku i umjetnost Univerziteta u Sarajevu koja je usmjerena ka prepoznavanju i nagrađivanju postignuća doktoranata. Ova inicijativa ima za cilj da podstakne i motivira doktorante koji su postigli značajne rezultate tokom svog istraživačkog rada na Univerzitetu u Sarajevu.

Kroz inicijativu je planirano da u okviru procesa implementacije Pravilnika o nagrađivanju akademskog i naučnoistraživačkog osoblja Univerziteta u Sarajevu za 2023. godinu koja je u toku, bude dodijeljeno i *Priznanje Rektora Univerziteta u Sarajevu* za doktorante koji su u toku prethodne godine ostvarili bodove u skladu sa kriterijima spomenutog Pravilnika.

Kako bi Savjet za nauku i umjetnost predložio kandidate za dodjelu nagrade u skladu sa inicijativom, molimo za podršku koja je u ovoj inicijativi od velikog značaja za prepoznavanje i stimulaciju mladih istraživača.

Naime, u prilogu vam dostavljamo pregled istraživača po članicama Univerziteta generiran iz Web of Science alata za analitiku (koji na svojim profilima u WoS-u imaju afilijaciju „Univerzitet u Sarajevu“), uz molbu da službe članica u pregledu popune informacije o doktorantima koji su u prethodnoj godini ostvarili autorstvo u radovima objavljenim u časopisima koje registruje baza podataka *Web of Science Core Collection* (u skladu sa članom 2 Pravilnika o nagrađivanju):

- Ukoliko se na dostavljenom pregledu nalaze doktoranti sa vaše članice, potrebno je podatak unijeti u kolonu o statusu (u ovom pregledu nalaze se samo autori koji su u svoje profile u WoS-u unijeli afilijaciju „Univerzitet u Sarajevu“);
- Ukoliko doktoranti koji ispunjavaju uslove vezane za objavu radova iz Pravilnika nisu na listi, potrebno je u pregled unijeti ime i prezime doktoranata i informaciju o statusu, kako bi bila izvršena provjera i bodovanje radova objavljenih u časopisima indeksiranim u WoS CC.

U obzir za nagrađivanje bit će uzeti doktoranti koji su autori radova u skladu sa članom 2 Pravilnika, koji su u toku 2023. godine imali status studenta III ciklusa na Univerzitetu u Sarajevu. O kandidatima za dodjelu nagrade odlučit će Savjet za nauku i umjetnost Univerziteta u Sarajevu, na osnovu kriterija za objavljivanje radova iz Pravilnika o nagrađivanju.

Zahvaljujemo na saradnji.

S poštovanjem,

PROREKTOR



Prof. dr. Naris Pojskić, naučni savjetnik

Dostaviti:

- Naslovu
- Savjet za nauku i umjetnost
- Generalni sekretar
- Služba za NIR
- a/a